

HRILHLÂWKNA TLUANTLING

NUN THLÂK THEITU BIBLE ZIRNA!

MEI LEH KAT HNUHNUNG BER CHU

Genesis 19:1-29

THAWNTHU ...



Abrahama khan a vahpa Lot-a'n an chhungkuaa Sodom-a awm an thlan khan tihsual lian tak a nei tih a hria a. Jordan phairuama khawpuite chu a nalhin, a duah tha em em a, mahse a mite chu an khawlo em em mai baw a. "Tin, Sodom mite chu Lalpa mit hmuhin nasa taka suaksual leh misual an ni a" (Genesis 13:13). A tawpah chuan Pathianin heng khawpui bawlhhlawh takte hi an sualna tenawm tak avang chuan tihboral A thlang ta a, amaherawhchu Lota-te chhungkua chhanchhuak turin vantirhkoh pahnih A tir hmasa phawt a ni.

Sodom an luh hma chuan vantirhkoh pahnihte chuan khualzin veivak angin an inlantir a. Lota chuan hmehhriat ngai loh, hmeh ngainatawm tak mi pahnih a hmuh chuan, chu khawpui kawthler zan lama a him loh zia hriain, a ina thleng turin a ngen ta chiam a. Nimahsela mi suaksualte chuan lo hmu rengin, chumi zan chuan Lota kawngkhar hmaah chuan lo pungkhawmin, a mikhualte chu an tihkhawloh theih nana rawn chhuahtir turin an ngiat a. Lota chuan a kawngkhar hmaa mipui rilru herh tak pungkhawmte chu khap daih tum mahse a hlawhchham a. Ramhuai bual ât ang maia an awm chu a zual sauh zawk a, rei lo tê-ah chuan Lota ngei pawh chu

an vau ta hial zawk a! Chutah zet chuan vantirhkohte chuan an nihna dik tak chu an thup thei ta bik lo. Lota chu in chhung himah pawt lutin, mipui bual âta awm te chu an mit an tihdelsak ta a.

A tuk zing hma takah chuan vantirhkohte chuan Lota leh a chhungte chu "I nunna tûrin tlân chhuak rawh! I hnung lam hawi suh la ... tlângah sâwn tlân rawh; chuti lo chuan, i borah dah ang e," tiin an hrilh a (Genesis 19:17). "Tin, Lalpa chuan Sodom leh Gomorra khaw chungah chuan, vâna Lalpa hnên aţang chuan kât leh mei a sũrtir a" (Genesis 19:24). A nupui chu a hawi lêt avangin Lota leh a fanu nula pahnihte chauh chu an nunna zuahin an awm ta a ni. Pathian Thu chuan ni hnuhnungah chuan he khawvel hi Sodom dinhmun ang khan a la awm dawn tih min hrilh a – a hremna pawh chutiang chiah chuan!

ZIRLAI 13-NA



*He zirlaia a kar awlte dahkhah a awlsam zawk nan,
“Adobe Reader” hmang ang che.
Hêng zirlaiahte hian Bible version atân: Mizo OV re-edited hman a ni.*

ZIRLAI

Bible thu i chhiar zawh hnuaa a kar awlte hi dah khat rawh.

1. Misual tihboral entir nan eng khawpui pahnih hmingte nge pek a nih?

2 Petera 2:6 *Tin, leh khuate chu amah ngaihsak lo, la awm tûrte entîrnaah a hmang a, vuta chantîrin, tiboralin thiam loh a chantîr ta a;*

Note: Pathian chuan khang khawpui pahnihte kha chatuan mei hmangin a tiboral a – misuaksualte hremhmuna tihboral nana mei a hman tur ang tho kha a ni.

2. Engtikah nge misuaksualte chu mei leh kata tihboral an nih ang?

2 Petera 2:9 *Lalpa chuan amah ngaihsaktute chu thlêmna ata chhan chhuah dân leh, fel lote chu ni atân chuan hrem chung a khêk dân a hria;*

Johana 12:48 *Tu pawh mi duh lova, ka thusawite vawng lo chuan thiam loh chantîrtu pakhat a nei a ni; ka thusawi kha, khami thu ngei khân ni chuan amah chu thiam loh a la chantîr ang.*

Matthaia 12:40-42 *Chutichuan, buh lemte chu an la khâwm a, meiin an hâl ang hian khawvêl tâwpnaah chuan a la awm ang. Mihring Fapa hian a chu a tîr ang a, a ram ata tihsualtîrtute leh thil tisualtute zawng zawng chu an thiar chhuak ang a, rawh tuina meiah chuan an paih ang; chutah chuan tah leh ha thial chu a awm ang.*

Note: A chung a chângah te khian Bible chuan Chiang takin misuaksualte chu tâwpna niah chuan meiah paih an nih tur thu a ziaak a – an thih niah zawk ni lovin. Hei hian a tihchian chu tunah hian hremhmuna tumah an awm lo tih hi a ni. Tumah rorelna ni-a an chungthu rel a nih hmaa hrem an ni lo hi rorelna dik a ni reng a ni. Mi tinte chu A lo kal lehna hunah an thiltih ang zela lawmman pek emaw, hrem emaw, an ni ang, a aia hma ni lovin. (Thupuan 22:12)

3. Misuaksual boral tawhte chu hremhmuna an la awm loh chuan khawiah nge an awm?

Johana 5:28-29 *Hêng hi mak ti suh u, a hun a thleng dâwn ta, chutih hunah chuan zawng zawngin a aw an hria ang a, an chhuak vek ang; thil tha titute chu nunna changin an tho leh ang a, thil sual titute chu thiam loh changin an tho leh ang.*

Joba 21:30, 32 *Mi sual chu vânduai nîah zuahin a awm a, Thinur nîah bhuai chhuah an ni, tih hi. ... kalpui a ni a, A chu vên a ni a.*

Note: Bible chuan misuaksual boral tawhte chu an thlânah khawvel tawp huna thawhlelna lo thlen hma chuan zuahin an awm tih min hrilh a. Isua kohna aw chu an hria ang a, an thlân atang an lo tho ang, meidil atang ni lovin.

4. Sual lawmman, emaw hremna, chu eng nge?

Rom 6:23 *Sual man chu a ni si a; Pathian thilthlâwnpêk erawh chu, kan Lalpa Krista Isua zârah chuan chatuana nunna a ni.*

Note: Sual man chu meidila chatuan nunna a ni lo a, chumi letling chia – thihna zawk a ni. Thihna hmasa chu kan tawng vek dawn a (Hebrai 9:27) mahse Bible chuan misuaksualte thihna chu hnihna a ni ang (Thupuan 21:8). Thihna hmasa atang chuan mi zawng zawng an phu tawh hremna emaw lawmman emaw dawng tura kaihtawh an ni ang; mahse thih hnihna atang chuan thawh lehna a awm tawh lo ang. A tawpna a ni ang. Chu mai bakah chuan, sual vanga hremna chu chatuana meidila nghaisak a nih chuan, isuan a man a pe ve lo a ni.

5. Mi zawng zawng tana duhthlanna tur pahnih chia awm chu eng nge?

Johana 3:16 *Pathianin khawvêl a hmangaih êm êm a; chutichuan, a Fapa mal neih chhun a pe a, amah chu tu pawh a ring apiang an lohva, an neih zâwk nân.*

Note: Vanram luh hmaa thlarau chawlh lawkna – limbo, leh sual ténau kan faina – purgatory-te hi Bible-ah hmuh tur a awm lo a. Bible chuan duhthlan tur pahnih chauh – chatuan nunna emaw, chatuan thihna chauh, min zirtir a ni (Deuteronomy 20:15)

6. Meidilah chuan misuaksualte engtin nge an awm ang?

Sam 37:10, 20 *Rei lo tê achinah mi suaksual chu a awm tawh dâwn si lo; A ni, a awmna hmun chu en en mah la, a awm tawh lo vang. ... Mi suaksualte erawh chu an ang a, Lalpa dotute pawh phul hnim duah ang an ni ang. Tihboralin an awm ang a, meikhuah an ral ang.*

Malakia 4:1, 3 “Ngai teh u, ni chu a lo thleng e, Rawh tuina mei angin a kâng a ni; Mi chapo zawng zawngte leh sual titu zawng zawngte chu Buhpâwl an ni ang a, chu ni lo thleng chuan anmahni a
; Zung leh zâr chenin a zuah lo vang,” Sipaihote Lalpa chuan a ti. ... Mi suaksualte chu in rap bet ang a; Ni ka ruatah chuan in kephah hnuaia meivâp an ni dâwn si a,” Sipaihote Lalpa chuan a ti.

Note: Hremhmuna misuaksualte chu meikhu-ah an zam ral ang a. An vâp chiah a awm tawh ang.

7. Meidil chu khawiah nge a awm ang?

Thupuan 20:9 Tin, vâng lam dâpin an kal chho va, mi thianghlimte riakhmun leh khaw duhawm tak chu an hual ta a; tin, vâng atangin mei a lo tla a, anni chu a kâng ral ta a.

2 Peter 3:10 Nimahsela, Lalpa ni chu rûkru angin a lo thleng ngei ang; chumi nîah chuan vânte chu nasa taka riin a boral ang a, thil bulte chu meia em ralin a awm tawh ang a, leh a chhûnga hnathawh awmte hi a kâng ral ang.

Note: Meidil chu he leiah hian a awm ang, a chhan chu he khawvel hi kang tura chu a ni.

8. Diabola chu meidil chung a thuneitu a ni ang em?

Thupuan 20:10 Tin, anmahni bumtu Diabola chu sakawlh leh zâwlnei der awmna, mei leh kât dîlah chuan ta a; tichuan, chatuanin a chhûn a zâna nghaisakin an awm ang.

Note: Teuh lo! Meidil chung a thuneih a hnekin, Diabola chu meidila thlak a ni ve ang. A tawpa tawpah leia vaivutah chantir a ni ang. Tin, Pathian chuan Setana chu, “I awm ngai reng reng tawh lo ang” a ti a ni (Ezekiela 28:18-19).

9. Hremhmun meidila mei chuan mit hun a nei ang em?

Isaia 47:14 Ngai teh, buhpâwl ang mai a ni ang a, meiin a kâng ang; mei alh thiltihtheihna lakah chuan an inchanhim lo vang; intihlumna tûr ang a ni vang a, ai tûr mei ang pawh a ni hek lo vang.

Note: Sual hnua, misualte leh he leia thil awm zawng zawng te tihboral a nih hnua, meidila mei chu a mit ang. Chatuanin a alh reng dawn lo a ni. Chatuana nghaisakna hremhmun a nih chuan sual tihboral theih a ni ngai lo ang. Pathian rorel dan chu sual lak hrana, tihboral a ni, chatuana awm reng tir lovin. Thupuan 21:5-ah chuan, “Ngai teh, engkim ka siam thar e” a ti a ni.

10. Hremhmunah chuan thlarau leh tisa tihboral a ni ang em?

Matthaia 10:28 *Tin, taksa tihluma thlarau tihlum thei lotute chu hlau suh ula; Gehenna-a leh tihboral theitu chu hlau zâwk ang che u.*

Note: Mi tam tak chuan thlarau hi boral thei loah an ngai a, mahse Pathian chuan wavi hnih heti hian a sawi, “Thil tisualtu apiang an thi ang” (The soul that sinneth, it shall die) Ezekiel 18:4, 20. Chuvangin Bible thu ang chuan, misuaksualte chu meidilah tihboral an ni ang – an thlarau leh tisa chu.

11. Tute tan nge meidil chu tih-alh a nih ang?

Matthaia 25:41 *Chumi zawhah chuan, a vei lama mite hnênah pawh chuan, ‘Ânhhe dawngte u, kumkhaw mei, leh a tihkohte tân an buatsaihah chuan mi kal bosan rawh u;*

Note: Meidila mei thiltum ber chu Setana, a vantirhkohte sualte, leh sualna tihboral chu a ni. Sual hri ka thlah duh si loh chuan, sual ruala tihboral ka nih a ngai dawn a ni, a chhan chu sual hi tihboral a nih loh chuan lei leh van a tibawhlhlawh leh dawn a ni.

12. Bible hian Pathianin misuaksualte a tihboral thu hi engtin nge a sawi?

Isaia 28:21 *A hna, a chu, a thawh theih nân leh, a thiltih, a thiltih danglam chu, a hlen theih nân, Lalpa chu Perazim tlânga a tho ang khân a tho dâwn si a, Gibeon ruama a thinur ang khân a thinur dâwn a ni.*

Note: Pathian chuan A hmangaihte tihboral tur ngaihtuahna ringawt pawh hrehawm a ti a. “Mi thenkhatin muanga an ruat angin Lalpa chu a thutiam kawngah chuan a muang lo ve; tu ma boral duh lova, mi zawng zawng lo sim duhin, nangmahni lamah a dawh thei a ni zâwk e.” (2 Petera 3:9). An hnenah heti hian a sawi reng a, “... In awm dân tha lo a tang chuan kîr ru, kîr ru. Aw, Israel chhûngte u, engah nge in thih ang le, tih hi Lalpa Pathian thuchhuak a ni,’ tiin sawi rawh.” (Ezekiel 33:11). Mi tihboral hi Pathian mizia-ah chuan thil awm tel lo a nih avangin meidil pawh A “thiltih mak leh dangdai” tia sawi a ni. Pathian chuan mihringte a chhandam duhna kawngah hian engmah thup then a nei lo. Tihboral an nih hmian misuaksual zawng zawngte chuan Pathian rorel dikzia an puang ang (Rom 14:11).

13. Bible thu, “tihmih theih loh mei’ tih hian mei chu engtika mah a mit lo ang tih a kaw lo em ni?”

Matthaia 3:12 *a kutin a sisêp a keng a, a hruih a zâp fai hliau ang a, zêmah chuan a buh a khung ang, a sî erawh chu mei mit thei lovin a ang,” a ti a.*

Note: Ni lo e! Tihmih theih loh mei chu tihmih theih a ni lo. Amaherawhchu engkim a kan ral hnuah chuan a mit dawn a ni. Entir nan, Jeremia 17:27 chuan Pathian mite chu an rinawm loh chuan Jerusalem-ah mei a chhuah ang a, chu mei chu “a mit lo ang” tih a ziak a. Tin, Bible chuan he hrilhawka hi a thlen famkim tawh thu a sawi bawk a. “Pathian in te an hâl a, Jerusalem kulh te an tichim a, chuta in ropui zawng zawng chu an hâl a ... Lalpan zawlnei Jeremia hmanga thu a lo sawi chu a lo thleng ta a” (2 Chronicles 36:19, 21). Kha mei pawh kha engkim a kan ral vek hma kha chuan tihmih theih a ni lo a; chumi a lo thlen hnu chuan a lo mit ta a ni. Bible in “tihmih theih loh” tiin sawi mah se, waviin ni thlengin a kâng reng tawh lo a ni.

14. “Chatuan mei” tih thu hian “tawp ngai lo” tih a kawkw lo em ni?

Juda 7 *Sodom leh Gomorra, an kiang vêla khuate nê, chutiang bawkin inngaihnaa inpumpêkin awm loh loha an awm avângin, hremna tuarin, briattîr nâna târ chhuahin an awm ang khân.*

Note: Bible hi amah leh amah inhrilhfiâh tir tur a ni. He Bible châng atang hian Sodom leh Gomora te chu hremhmun entir nan chatuan meia tihbora an ni tih kan hmu a, amaherawhchu heng khawpui te hi an kâng reng tawh lo. Mei vâpa chantir an ni a (2 Petera 2:6), chu chu chatuan mei hnathawh chu a ni. A hnathawh chu chatuan daih a ni zawk (Zir belhna “Mi hausa le Lazara” tih kha en la).

15. Thupuan 20:10 in misuaksualte chu “chatuanin a chhun a zana” nghaisakin an awm ang tih a sawi hian, hei hian hun tawp thei lo a entirna a ni lo em ni?

Jona 2:6 *Tlâng bul tâwp rêtahte chuan ka kal chhuk a; Lei chuan atân a kalhnate chuan mi khâr khum a; Amaherawhchu, nangin, aw Lalpa ka Pathian, khuarkhurum ata chu ka nunna i la chhuak a ni.*

Note: Ni lo e! Jona kha nghapui chhungah ni thum leh zan thum a awm a (Jona 1:17), chuti chung chuan “chatuan” tiin a sawi a ni. A tan chuan chatuan a ang hial reng ang! Thupuan 20:10-a “chatuan” tih hi Greek tawng “aion” tih a ni a, hemi atang hian saptawng thu mal, “eon” tih a lo chhuak a, chu chuan hun bituk bik nei loin, tawp chin nei emaw nei lo emaw a kawkw thei. He thu mal hi “chatuan” tih emaw “kum khua” tih emawa lehlin a ni thin a, saptawnga “for ever” tih hi wavi 56 lai thil tawp tawh sawi nan Bible-ah hian hman a ni. Hmun pakhatâh chuan “chatuan/ kumkhua” tih hian sal rinawm nun sawi nan a hmang a (Exodus 21:6), hmun dang leha chuan chhuan sawm sawi nan a hmang thung (Deuteronomy 23:3). Mihringah chuan “chatuanin/ kumkhua” tih hian “a dam chhung zawnhg” a kawkw tangpui (1 Samuela 1:22, 28).

16. Sual leh misualte tihbora an nih hnuah, Isuan A mite tan eng thli nge A tih dawn?

2 Petera 3:13 *Nimahsela, a thutiam ang chuan leh lei thar, a chhûnga felna awmte chu kan beisei a ni.*

Thupuan 21:4 *An mit ata mittui zawng zawng a hru fai ang a; Thihna a awm leh thei tawh lo vang a, Lungngaih te, ãah te, te pawh A awm leh tawh hek vang; Thil hmasate chu a ral ta, ” a tih ka hria.*

Note: He khawvel tlenfaina mei vâp chungah chuan Pathianin lei thar leh van thar a siam ang. Lawmna te, muanna te leh hlimna sawi hleih teih loh te chu thil nung zawng zawng tan chatuana awm tawh turin min tiam a ni.

17. Sual avanga buaina chu a awm leh ngai ang em?

Nahuma 1:9 *Lalpa kalhin eng nge in suangtuah? Tâwp dêrna a thlentîr dâwn a ni, phuba lâk nawn a ngai vang.*

Note: Aih! A thutiam chu a chiang. Sualna a awm leh tawh ngai lo ang.

Isaia 65:17 *Ngai teh u, vân tharte leh lei thar ka siam a nih hi; tân hma thilte chu briat rengin a awm tawh lo vang a, rilruah pawh a lût tawh hek lo vang.*

18. Eng zawhna hriam tak nge Joba khan a zawh?

Joba 4:17 *Pathian hmaah mihring thi thei a tâwk em ni? A siamtu hmaah mihring a thianghlim tâwk em ni?*

Note: I fapa chu tualthah hmang sual tak ni ta se, hrem ngei a phuini hria ang em? I hre ngei ang. Mahse ni khat chauh pawh na tak tuara meia a nung chungah hal ni se i ti ang em? Ti lo tawp ang! I tuar thei lo ang. Hmangaihna Pathian pawhin A fa-te hrehawm taka nghaisak an nih chu a tuar thei bik lo. Chu chu indona-a sual rapthlak ber ai pawhin a rapthlak zawng ang. Pathian chu chutiang chu A ni em? Ni teh lul lo e! Chatuana nghaisakna hremhmun chu Pathian pawhin A tuar thei lo a, A nungchang, hmangaihna leh dikna nen pawh inkalh tlat a ni.

I CHHANNA

Engkim dang aain, Isua chuan A lalram thar ropui takah chuan cheng turin a duh che a. I tana awmna A siamsak che-ah chuan cheng turin a duh ngawih ngawih che a ni. A sawmna chu pawm turin duhthlanna i siam thei tawh em?

CHHANNA:

ZIR BELHNA

Hemi hmuna thu awmte hian i zir zau naah a pui ang che.

Mi hausa leh Lazara

Mi tam tak chuan mi hausa leh Lazara te tehkhin thu hi mihringte kan thih velel vanram emaw meidilah emaw kan kal nghal tih fiah nan hman an tum thin. Hei hi Isua'n he tehkhin thu a sawi laia a thil tum a ni lo. Heta "hremhmuna" sawi nana Isua'n a thumal hman kha "Hades" tih a ni a, Greek thawnthua in-nghaisakna hmun a ni. Hemi tehkhin thu a sawi laia Juda mi lo ngaithla zawng zawng te kha chuan Isua'n thawnthu hriatlar tak a hmang a ni tih an hrethiam vek ang. Luka 16:19-31 hi kan en chian chuan, he tehkhin thuah hian entirna tam tak, a ngial a ngana kan lak tura Isua'n a tih loh tam tak a awm tih kan hmu thei ang.

- Entirnan, chhandam zawng zawngte Abrahama angchhungah an lut em? Lut lo.
- Vanrama awm leh hremhmuna awm te chu an inbe thin ang em? Be lo ang.
- Hremhmuna kang mek tan tui far khatin a lei a tidai thei ang em? Thei lo.
- Tunge chhandam nia, tunge boral ang tih chu Abrahama thutlukna a ni em? Ni lo.

Hetianga bawh hian, he tehkhin thu hi rorelna hnunung hmaa boral te vanramah emaw, meidilah emaw an kal tih zirtir nan a hman theih loh. Johana 12:48 chuan "Ka thu sawi ngei kha ni kin ni-ah chuan a chungthu rëlsaktu a ni ang" tiin a sawi a ni.

A nih chuan he tehkhin thu hian eng nge a entir? Mi hausa kha Juda hnam entirna a ni a, Pathian thua in chawm puarin, kawngkapui bula mirethei khan Jentailte, Pathian thua tuihal mek a entir a ni. Isua chuan he tehkhin thu khar nan hian, "Mosia leh zâwlneite thu an awih loh chuan, mitthi zinga mi meuh tho leh thu pawh an awih chuang lo vang" a ti a (Luka 16:31). Hemi hnu lawk hian mi pakhat, a hming Lazara chu thihna atang a kaitho reng a, chuti chung chuan Juda hruaitute chuan an la awih duh chuang lo a ni (Johana 12:9-11).